

邑人李昌運學

倉儲

周禮遺人掌邦之委積以待施惠鄉里之委積以恤民之艱阨凡以言倉儲也馬端臨市糴一編分列和買和糴然而穀賤不傷農穀貴不傷人實古今所不外常平義社後人所由踵馬氏而有作焉合川自吳三桂平後始入版圖舊時倉儲付之事急矣不能去則焚之之歎躬際太平杼柚其空民何以堪乃不數傳儲蓄之謀先後備具足見國家爲小民計者至詳且悉且水陸雜處倉庾尤不可輕州分戶糧倉爲三倉別設吏良有由也若在官之常平監倉暨廣濟倉在民之社倉後之積穀倉星羅棋布粟米充牣比之隆古及今大縣中縣小縣之制積貯有加管子曰守國者守穀而已矣不一一載之得勿數典而忘其祖乎作倉儲掌錄

滯於民用則官買之糴之適於民用則官賣之糴之此常平之政之權

合川縣志卷十六

倉儲

一

輿漢宣帝時大司農中丞耿壽昌白令邊郡皆築倉以穀賤時增其價而糴以利農穀貴時減價而糴名曰常平倉民便之

漢書食貨志

貞觀中洺

相幽徐齊并秦蒲州置常平倉粟藏九年米藏五年下濕之地粟藏五年米藏三年皆著于令

唐書食貨志

淳化三年京畿大穰分遣使臣於四城

門置場增價以糴虛近倉貯之命曰常平歲饑卽下其直予民景德三年言事者請於京東西河北河東陝西江南淮南兩浙皆立常平倉計戶口多寡量留上供錢自二三千貫至一二萬貫令轉運使每州擇清幹官主之領於司農寺三司無輒移用歲夏秋視市價量增以糴糴減價亦如之所減不得過本錢而沿邊州郡不置詔三司集議於是增置司農官吏創廨舍藏籍帳度支別置常平案大率萬戶歲糴萬石戶雖多止五萬石三年以上不糴卽回充糧廩易以新粟灾傷州郡糴粟斗無過百錢

宋史食貨志

又司馬光言常平倉者乃三代聖王之遺法非獨李

悝耿壽昌能爲之也穀賤不傷農穀貴不傷民民賴其食而官收其利法之善者無過於此比來所以隳廢者由官吏不得其人非法之失也今聞條列司盡以常平倉錢爲青苗錢又以其穀換轉運司錢是欲盡

壞常平專行青苗也國家每遇凶年所賴者只有常平倉錢穀耳今一旦盡作青苗錢散之向去若有豐年將以何錢平糴若有凶年將以何穀調贍乎臣竊聞先帝嘗出內藏庫錢一百萬緡助天下常平倉作糴本前日天下常平倉錢穀共約一千餘萬貫石今無故盡散之他日若思常平之法復欲收聚何時得及此數乎臣以謂散青苗錢之害猶小而害常平倉之害更大也文獻通考乾道六年胡堅嘗進對奏廣糴常平上曰若一州得二十萬石常平米雖有水旱不足憂矣續通考金明昌三年帝謂宰臣曰常平倉往往有名無實況遠縣人戶豈肯跋涉直就州府糴糶可各縣置倉令州府縣官兼提控管勾遂定制縣距州六十里內就州倉六十里外則特置舊擬備戶口三月之糧恐數多致損改令戶二萬以上備三萬石一萬以上備二萬石一萬以下五千以上備一萬五千石五千戶以下備五千石金史食貨志元至大二年九月立常平倉續文獻通考明弘治中江西巡撫林俊請建常平倉又嘉靖初帝令有司設法多積米穀仍倣古常平法春賑貧民秋成還官不取其息明史食貨志清順治十三年令各省修葺倉廩先是十二年將各州縣自理贖緩春夏積

合川縣志卷十六

倉儲

二

銀秋冬積穀悉入常平倉儲賑由布政司彙報督撫歲終冊送戶部如有假公濶私隱匿漏報者查參其紳民樂輸者地方官多方鼓勵勿勒定數勿使胥吏侵尅及加耗滋弊至是令各省修葺倉廩并印烙倉斛選擇倉書糴糶平價不許別項動支康熙三十七年定四川貯穀變價并出借之例四川松潘等處積貯雜糧改爲三分以二分存貯以一分遇糧貴時借給兵民將此穀按年出易周而復始永著爲令又議定各省倉穀定例各省積貯米穀大州縣一萬石中八千石小六千石四川人民稀少大州縣貯穀六千石中四千石小二千石無庸糶三雍正九年以川省積貯數少議增貯至百萬石先是四川總督黃廷桂等言川省存貯米穀通計止四十二萬石請將川省常平倉捐例改穀作銀隨時糴買并酌開事例買穀存貯得旨川省乃產米之鄉積貯易於爲力該督撫請開捐納誤矣況改穀折銀又復將銀買米徒滋弊端但通省積穀止四十萬石爲數實少應如何增貯著大學士等詳議於是議除現存米穀外再買貯六十萬石有百萬之蓄度足備用請分作三年約計每年買穀二十萬石每石約價三錢需銀六萬兩於夔關及鹽茶贏

餘銀兩動支至各府州縣應分貯若干等事宜該督分別詳定得旨依議速行但每年穀價貴賤不等如畫定三錢恐價貴時或致抑勒強買價賤時不免侵漁冒銷著再議尋議如遇價賤不及三錢即可過於二十萬石之數或價值甚賤應量加銀兩及時採買倘不止三錢亦可不及二十萬石之數或價值甚貴應停採買以待來歲秋成總於三年內通融籌畫買足六十萬石之數從之國朝文獻通考各省設立常平倉視其地之廣狹以定額貯所貯各色糧石皆按其出產準作穀數其折耗曰氣頭曰廩底均計收貯年分及地氣燥溼以定其數准該管官驗明米色秋後買補會典合川常平倉採買加貯實存穀數二萬一千一百五十石

張乃孚合州志

監倉者古義倉也隋開皇三年徵拜度支尚書奏令民間每秋家出粟麥一石已下貧富差等儲之閭巷以備凶年名曰義倉隋書長孫平傳唐貞觀初天下始置義倉每有饑饉則開倉賑給高宗永徽二年九月頒新格義倉據地取稅實是煩勞宜令戶出粟上上戶五碩餘各有差通典宋太祖乾德初詔諸州於各縣置義倉歲輸二稅每一石別收一斗民饑欲

合川縣志卷十六倉儲

三

貸充糧食者州長吏貸訖然後奏聞宋史食貨志元初立義倉於鄉北世祖

至元二十三年又以鐵課糴糧充貯義倉元史食貨志清康熙二十九年諭

各省總督巡撫及司道府州縣官員務宜恪遵屢次諭旨切實舉行俾家有餘糧倉庾充物以副朕愛民至意如有仍前玩愒苟圖塞責漫無積貯將該管官員及總督巡撫一竝從重治罪康熙三十一年諭大學士等曰時屆麥秋地方官勸諭百姓量力樂輸委積儲備州縣官將捐助姓名米數註冊秋成之後亦倣此行焉康熙四十九年准開例捐監定額貯倉先是江南開例捐監定額貯倉捐足奏明停止至是浙江巡撫黃秉中言江浙二省財賦之地人民繁庶止於江南開捐則湖廣江西之米俱聚集江南而浙江捐納之人亦必將米運赴江南浙米勢必騰貴民食愈艱請亦照江南捐監例各府議定貯倉米穀額數捐足即行停止從之雍正四年以江南被水議定採買捐輸之法該督動帑委員赴產米地方採買再照河工議敘貢監之例將銀兩收爲本色輸納分別府州縣之大小酌量應輸米穀之多寡捐足停止所收米穀應用平糶散賑之處該督撫具題動支准湖廣議照江浙二省現開捐納貢監

事例飭各府收捐本色實貯在倉以備東南各省撥運平糶之需

皇朝通考

乾隆三年諭國家昇平休養戶口繁滋生聚日多蓋藏未裕儲蓄之方不可不豫爲籌畫從來積貯以常平爲善但地方有司每以歲久黷變易罹參處折耗補數貽累身家一見積穀稍多卽爲憂慮而無識之上司亦遂被其搖惑而不爲緩急可恃之計獨不思民間旣少蓋藏而倉庾又無儲備天時早潦豈能保其必無一旦年穀不登其何賴以無恐向有常平捐監之例後因浮費太多捐者甚少遂漸次停止歸於戶部乾隆元年朕將捐款盡停而獨留捐監一條者蓋以士子讀書向上者日多留此以爲進身之路而所捐之費仍爲各省買穀散賑之用所降諭旨甚明今再四思維積穀原以備賑與其折銀交部至需用之時動帑採辦展轉後期不能應時給發曷若在各省捐納本色就近貯倉爲先事之備足濟小民之緩急乎等諭

東華續錄 乾隆七年

此監倉所由名也古時

百四十石

張乃孚合州志

合川縣志卷十六 倉儲

四

濟倉廣濟倉今所謂義倉也始於嘉慶爲濟倉始於道光爲廣濟倉嘉慶二十年重慶知府李樞煥來州就總神廟側督建濟倉知州曹蘧勸捐置買田業三契一西里興勝寺業歲收額租六十二石又土租錢八十千壓銀二百四十兩一石龍場業歲收額租一百五十石壓銀四百兩一二郎廟業歲收額租三十八石壓錢二千三處之業共載條糧銀一兩五錢九分四釐後道光十八年知州陳仲良建修廣濟倉兩廡諭民積穀名爲廣濟原貯穀五百八十石濟倉廣濟倉併爲一項經管

程業修合州志

耕田穀倉原額積穀八十二石八斗六升四合原耕田四畝九分

通禮直省

耕田四畝九分無糧

在城外先農壇側民國二年此業佃與農會作爲農事試驗

場認歲租京斗二斗五升竝認先農壇祭品每歲錢二千文由農會支給

以上各倉官司其事定例州縣履任遵制盤倉舊任移交不清例干參處盤倉後取各經管正紳無虧甘結常平監倉爲一項原在營盤街吏

目官廩兩處分貯乾隆五十三年江水泛溢知州周澄詳請概移州署瑞應山右計二十二眼有倉夫有司事有正副倉紳二歲各有薪濟倉廣濟倉爲一項原建總神廟側計三十一眼有倉夫有司事有正副倉紳二司事司完糧收租等件年終報銷歲各有薪藉田事微歲支有記常監倉共貯京斗五萬二千石除道光七年咸豐三年七年三次奉文糶賣倉穀四萬二千石外實存八千石正常平三千一百零四石監倉四千八百七十六石程業修合州志民國二年三年合川知事盧照丹官煒車折倉穀二百四十八石三年知事張澤鈞地方辦糶動撥倉穀二千六百一十七石五斗四升三合所剩減價穀銀三千三百五十兩交紳等管領俟價稍平購穀填還六年兩倉實存貯穀五千一百三十四石四斗五升七合廣濟倉自嘉慶年間起至光緒四年總督丁寶楨派委來州盤查稟明定案之日止除歷任知州辦理軍務平糶因公動用及資斧局撥借并蟲鼠折耗外實存倉斗穀一千八百四十五石三斗三升九合七勺光緒二十三年知州張熙穀辦理平糶儘數賣去於二十四年填還除原額外并多買京斗穀三百七十石零九斗三升五合六勺

合川縣志卷十六

倉儲

五

光緒二十九年奉重慶府張鐸飭借撥濟倉京斗穀一千石運至重慶六保甲局倉嗣奉札發穀價銀二千一百零四兩五錢二分回州買穀填倉民國二年知事沈燕詒任內損失槍支經縣會議決提賣倉穀六百石三年辦理平糶提倉斗穀三千零二石正是年交紳結領盤折三十五石八斗三升一合五勺六年濟倉實存倉斗穀六千一百一十一石七斗三升七合五勺十二月一師五師暨滇黔各游擊先後來合兌換紙幣短折無款籌填暫撥廣濟倉五百石貯穀變賣所得餘金卽作此項墊款藉田穀民國六年報銷 右官倉

社倉創於隋開皇五年五月工部尚書長孫平奏令諸州百姓及軍人勸課當社共立義倉收穫之日隨其所得勸課出粟及麥於當社造倉窖貯之卽委社司執帳檢校每年收積勿使損敗若時或不熟當社有饑饉者卽以此穀賑給十六年正月又詔秦疊成康武文芳宥旭洮岷渭紀河廓幽隴涇寧原敷丹延綏銀扶等州社倉竝於當縣二月又詔社倉准上中下三等稅上戶不過一石中戶不過七斗下戶不過四斗

隋書食貨志

唐武德元年令州縣始置社倉

冊府元龜

宋淳熙八年浙東提舉朱

熹請以社倉法行於倉司

宋史食貨志

建安五夫社倉記常平義倉有古法

之遺意然皆藏於州縣所惠不過市井游惰輩至於深山長谷力穡遠輸之民則雖饑餓致死而不能及又其爲法太密使吏之避事畏法者視民之殍而不肯發往往全其封鎖遞相傳授或至累數十年不一省一旦甚不獲已然後發之則已化爲浮埃聚壤不可食矣夫以國家愛民之深其慮豈不及此然而未有所行者豈不以里社不能皆可任之人欲一聽其所爲則恐其計私以害公欲謹其出入同於官府則鉤校靡密上下相遁其害又有甚於前所云者是以難之而有弗暇耳是倉也處於諸邑之里社主於鄉曲之士君子斂散有經維持有要卽此鄉之粟活此鄉之民脫遇阻饑朝取暮獲讀周禮旅師遺人之官覩其頒斂之疏數委積之遠邇爲之制數甚詳且密聖人旣竭心思繼之以不忍人之政其不可及如此朱子大全集元世祖時趙天麟上策言至元六年有旨每社立一義倉社長主之官司不得拘檢借貸勒支遇歉歲就給社民食用社長明置收支文厯無致損耗今社倉多有空乏處伏望詔諭農民一社立社長社司各一人社下諸家共穿築倉窖子粒成熟之

合川縣志卷十六

倉儲

六

時計田畝之多寡而聚之凡納例常年每畝粟率一升稻率二升大有年聽自相勸督而增數納之水旱蝗聽自相免同社豐歉不均宜免其歉者饑饉則計口數之多寡而散之凡出例每口日一升儲多則每口日二升勒爲定體社長社司不得私用官司不得拘檢借貸如是則非惟共相賑救義風亦行矣續文獻通考明嘉靖八年令各撫按設社倉明史清

康熙五十四年議定直省社倉勸輸之例凡富民能捐穀五石者免本身一年雜項差徭多捐一二倍者照數按年遞免紳衿能捐穀四十石令州縣給匾捐六十石知府給匾捐八十石本道給匾其富民好義比紳衿多捐二十石者亦照紳衿例次第給匾捐至二百五十石咨部給以頂帶榮身凡給匾民家永免差役皇朝文獻通考各省社倉係士民捐置聽其自爲經理會典雍正二年諭各省督撫社倉之設原以備荒歉不時之需用意良厚然往往行之不善致滋煩擾官民俱受其累朕意以爲奉行之道宜緩不宜急宜勸諭百姓聽其自爲之而不當以官法繩之也近聞各省漸行社倉之法貯蓄於豐年取資於儉歲俾民食有賴而荒歉無憂朕心深爲嘉悅但因地制宜須從民便是在有司善爲倡導於

前留心稽覈於後使地方有社倉之益而無社倉之害此則爾督撫所當加意體察者也

東華續錄雍正五年

又議定社倉事例先是諭湖廣總督楊宗

仁湖北巡撫納齊喀湖南巡撫魏廷珍等國家設立常平諸倉蓄穀積粟偶遇旱澇詳報踏勘往返察驗未免後時古人云備荒之倉莫便於近民而近民則莫便於社倉前諭爾等勸導建設蓋專爲安民起見也爾等自應轉諭屬員體訪各邑士民中有急公尙義之心者使主其事果掌管得人出納無弊行之日久穀數自增至於勸捐之時須俟年歲豐熟輸將之數宜隨民力多寡利息從輕取償從緩如值連年歉收卽予展限令至豐歲完納一切條約有司毋得干預至行有成效積穀漸多該督撫亦祇可具摺奏聞不宜造冊題報使社倉頓成官倉貽後日官民之累至是議定社倉之法一令地方官開誠勸諭不得苛派米石暫於公所寺院收存俟息米已多建廩收貯所捐之數立冊登明不拘升斗積少成多若有奉公樂善捐至十石以上給以花紅三十石以上獎以匾額五十石以上遞加獎勵有年久不倦捐至三四百石給以八品頂帶每社設正副社長擇立品端方家道殷實者二人果能出納有

法鄉里推服按年給獎十年無過亦請給以八品頂帶徇私者卽行革懲侵蝕者按律治罪其收息之法凡借本穀一石冬間收息二斗小歉減半大歉全免祇收本穀至十年後息倍於本祇以加一行息其出入之斗斛遵照部頒公平較量社長預於四月上旬申報給貸定期支散十月上旬定期申報受納不得抑勒多收臨放時願借者先報社長計口給發支納時社長先行示期依限完納其冊籍之登記每社設用印官簿二本一社長收執一繳州縣存查登載數目毋得互異其存州縣一本夏則五月申繳至秋領出冬則十月申繳至來春領出不許遲延以滋弊竇每次更換社長本縣各將總數申報上司凡州縣官止聽稽查不許干預出納如有抑勒那借強行糶賣侵蝕許社長指控據實題皇朝文獻通考乾隆三年令四川建社倉初四川糶賣常平倉穀價銀除買補正項外令將餘銀均買作社糧以爲民倡尋士民相率樂捐自乾隆二年秋後買貯穀二千九百七十餘石捐貯穀二萬五千六百餘石又達州內江等三十餘處舊存貯穀二萬一千石以上合計新舊穀凡四萬九千五百七十石有奇均令加緊收貯照常平倉例每穀四百石建

廩一間其工料銀於存公銀內動支上同合川額存社穀倉斗二萬九千六百一十四石七斗零五合九勺散貯五里今將各里倉廩穀石列左

小廟子社倉存穀一百零五石九斗正

土主廟社倉存穀一百二十七石三斗正

石佛寺社倉存穀一百零五石九斗正

雲峰寺社倉存穀一百九十八石一斗正

白鶴庵社倉存穀一百九十八石一斗正

臨江寺社倉存穀一百九十八石四斗一升五合正

臨江寺社倉存穀一百三十四石四斗三升六合正

川主廟社倉存穀六十四石零二升七合正

土城寺社倉存穀九十五石二斗五升正

扶山寺社倉存穀一百一十九石七斗七升三合正

扶山寺社倉存穀一百石零九斗五升八合正

雙鶴寺社倉存穀二百三十三石五斗一升六合正

水口寺社倉存穀一百五十九石零二升正

合川縣志卷十六倉儲

水口寺社倉存穀一百一十七石三斗零八合正

靈鳳寺社倉存穀七十二石一斗五升八合正

玉皇山社倉存穀一百一十八石二斗五升正

玉皇山社倉存穀二百六十四石五斗正 以上東里

寶迴山社倉存穀二百六十七石二斗正

黃泥庵社倉存穀一百二十九石一斗二升正

寶華山社倉存穀三百零九石二斗一升正

玉皇觀社倉存穀四百二十八石六斗三升二合正

玉皇觀社倉存穀二百四十石零二斗五升正

二佛寺社倉存穀二百二十八石七斗三升二合正

普門寺社倉存穀一百二十四石四斗四升正

金魚寺社倉存穀一百六十六石六斗六升六合正

金魚寺社倉存穀一百六十九石三斗一升六合正

金魚寺社倉存穀一百六十六石六斗六升七合正

全家砦社倉存穀二百一十一石四斗九升七合正



觀音寺社倉存穀一百六十九石零四升三合正

保全砦社倉存穀二百二十三石二斗五升二合正

青巖寺社倉存穀六十三石七斗六升八合正

義和砦社倉存穀五十五石六斗五升七合五勺正

隆興寺社倉存穀五十五石六斗五升七合五勺正

開元寺社倉存穀一百五十石零三升五合正

開元寺社倉存穀六十七石七斗正

白沙寺社倉存穀一百二十石零五斗正

合安倉社倉存穀四十一石二斗正今廢

白沙寺社倉存穀九十六石三斗六升六合正

石虎寺社倉存穀二百一十石正 以上西里

高陽廟社倉存穀三百六十四石一斗九升二合保倉有  
田二處

夜雨寺社倉存穀九十九石四斗五升正

夜雨寺社倉存穀九十九石四斗五升正

夜雨寺社倉存穀一百六十八石六斗九升正

合川縣志卷十六倉儲

板橋寺社倉存穀二百零四石陸斗正

板橋寺社倉存穀二百一十石正

龍游寺社倉存穀一百九十一石零三升一合正 以上永里

觀音寺社倉存穀一百六十八石七斗一升一合六勺正

尖山場社倉存穀一百六十八石七斗一升一合六勺正

利澤場社倉存穀一百六十八石七斗一升一合六勺正

迴龍寺社倉存穀一百七十二石七斗九升八合正

觀音堂社倉存穀二百八十石正

新鳳山社倉存穀九十四石九斗六升正

常清院社倉存穀一百五十五石正

常清院社倉存穀一百五十五石正

廣福寺社倉存穀二百零三石五斗正

廣福寺社倉存穀二百零三石五斗正

廣福寺社倉存穀二百零三石五斗正

廣福寺社倉存穀二百零三石五斗正

報恩寺社倉存穀二百九十石零一斗五升正

報恩寺社倉存穀二百九十一石五斗六升四合正

雙龍寺社倉存穀一百九十石零六斗二升二合五勺正

觀音寺社倉存穀一百九十石零六斗二升二合五勺正

方溪寺社倉存穀二百七十九石八斗二升二合正

濮巖寺社倉存穀一百一十二石七斗九升八合正 以上來里

甘泉寺社倉存穀八十二石零三升五合正

東岳廟社倉存穀一百五十七石八斗正

觀音寺社倉存穀一百四十六石八斗一升三合正

水府寺社倉存穀二百零九石七斗三升七合正 以上興里

上計六十八倉通民間管理每歲各按地段允給貧民口食悉遵典例每倉遵設倉正倉副各一人或一年一更或三年一更或係輪管或就其中貧富擇殷實之家管理因地制宜春發秋收之例自乾隆三年議定每息穀十升以七升歸倉以三升給社長作修倉折耗皇朝文獻通考從此社長經理可以借酬勤勞公私有濟惟遵行既久民間懼有多藏之灾

是以主持社倉息穀概不入倉悉付社首作倉內戶口游宴之資每春發時社長備帖相邀在倉各戶宴飲公所盡歡而罷猶古春社意也而倉房書吏紙札看管倉廩修補諸費亦有所託至看倉夫役歲支錢穀各倉規定不能一律開倉之日領者書立借券某人借穀一石秋後如期填還息穀一斗某人擔保親交社首印簿註明照烙印京斗攜穀發付發畢印簿交倉書呈知州閱畢發還收倉之日社長先期佈告某期入倉仍作三限填穀者負穀至倉前仍過京斗填還齊揭券印簿註銷如三限不齊呈繳印簿時凡不齊之戶出票簽追經首於新官上任時具經管某倉社穀若干竝無虧歉切結如有虧挪知州亦追償不貸法至善也光緒二十九年上諭改辦學堂知州陳夔麒稟請案提社倉息穀十股之二貼補各里高小學經費各社長遵於春季懸牌所定穀價赴勸學所完繳幫學款焉昔宋進士鄉賢度正巴川社倉記有曰人與物竝生於天地之間同於一理均於一氣故君子以爲人者同胞之兄弟而物者相與之儕輩也視之如兄弟則必親視之如儕輩則必愛知 此則知所以爲仁矣仁之爲道用之一鄉不爲不足用之一國不爲

有餘所施益博則濟益眾顧用之何如耳在上行之爲仁政在下行之爲仁里里仁之所以爲美者非以其有無相調患難相救疾病相扶持故耶往時崇安告旱人將乏食晦庵先生與其鄉之諸賢請於府得粟以貸其鄉之人免於流離饑莩其年歲則大熟於是收其息之二而藏之既而還其貸於府而以其息爲社倉行之數年人以爲便淳熙中先生爲浙東常平使者以職入對因條其事奏之孝宗深嘉其意頒之天下於是所在好事往往各以其私穀推行以應詔旨仁聖之澤無遠不被人到於今賴之近年以來吾鄉之士慕而爲之者三趙飛鳳兄弟行之龍多景元一等行之巴川陳孜等行之巴嶽之下行之巴川者合二十家爲錢一千緡歲得穀三百石登熟則以價糴之擇一人以掌其穀之數朞月穀價暴貴細民不易則收三分之息而糴之以濟貧弱以平市價又擇一人以掌其緡之錢藏明年其時復行其事歲以爲常因其鄉俗之便變而通之於先生條目雖若稍異然其所以惠利窮困之意大抵同也吾鄉地勢高仰無隄堰陂塘之利世所謂雷鳴田者五日不雨則枯十日不雨則槁故豐年常少而凶年常多比年穀價騰湧比之

往時不啻三倍然人心不厭猶有閉糶以待善價者而此二十家者乃獨不然豈不足以羞其心愧其顏使知所勸慕然則是倉之設不惟可利濟於人而所以補益名教之功亦不爲小矣於是景元一來言曰是二十家者其心固未嘗不一也而數年之後不能保其無倦他日子孫又不能保其行之不廢願一言記之庶知所警懼而傳之無窮也先正曰道二仁與不仁而已乘時射利者壟斷之賤夫也愍細民之艱棘而思有以惠利之者仁人君子之用心也使夫任事者因其貪鄙苟賤從而賤之因其用心之近於仁人君子而時加貴重之則孰不勉於爲善又安用記爲也雖然或有所未暇矣無已則有一焉今二十家之所以爲此者是必有聞於前賢矣且人物之生本同於一氣也見其一原也則於人也豈不如兄弟於物也豈不如鄉黨儕輩詩云兄弟孔懷又云兄弟急難行道之人顛連無告而莫之顧者有矣未有兄弟顛連無告而不爲之惻然動心者也故凡二十家所以不約而同者非有見於此耶既開其始欲戒其終且使後世子孫循之不廢則莫若讀書而講學讀書則理明義精講學則行著習察仁民愛物之心愈久愈光大矣夫

如是窮則行之一鄉達則行之一國以至推之當世是烏可得而已哉故曰欲戒其終且使後世子孫循之不廢莫若讀書而講學皆應曰然遂書爲記今此縣款提歸學堂後之學者服鄉道古亦知古人之意或能救弊而起衰焉

光緒二年川督丁寶楨委員赴各州縣盤查各倉深知各縣所貯倉穀因人口繁滋貯穀較之舊日不能不少適逢歷年歉豐謂貯穀如此一有凶灾民何以濟勸令州縣紳衿各捐積穀後有凶灾或可補助合川按照正糧加捐一兩捐穀三石共得積穀二萬零三十一石四斗五升零九勺分貯五里由民間舉充積穀首事倉房經管歲終具結每歷任交卸各具甘結所有存貯各倉積穀列左

文武廟倉積穀一百六十六石零四升五合

土城寺倉積穀一百四十二石二斗九升七合二倉在小沔溪

水口寺倉積穀一百零一石二斗八升四合

水口寺倉積穀一百石

玉龍砦倉積穀一百石零四斗九升

合川縣志卷十六 倉儲

十二

獅堡砦倉積穀一百石零四斗四倉在三匯壩

石佛寺倉積穀一百四十九石八斗八升

保安砦倉積穀四十八石六斗六升一合五勺

臨江寺倉積穀八十一石二斗一升二合

靈泉寺倉積穀二十九石四斗四升二合

慶福寺倉積穀十三石九斗

慶福寺倉積穀十三石九斗

金龍山倉積穀十四石八斗

金龍山倉積穀二十二石六斗九升五合

迴龍寺倉積穀十六石

寶馬寺倉積穀二十九石

慶雲寺倉積穀十二石四斗七升

白塔寺倉積穀一百二十石零八斗四升七合

九峰廟倉積穀三十五石八斗二升五合十三廩在三匯壩

銀溪寺倉積穀二十二石三斗七升四合

天龍山倉積穀四十三石六斗四升二合  
玉皇山倉積穀二十一石

迴龍山倉積穀四十二石三斗九升

迴龍山倉積穀二十五石四斗四升四合五勺

迴龍山倉積穀二十五石四斗四升四合五勺

古佛寺倉積穀十七石六斗八升

水口寺倉積穀十一石四斗七升一合四勺

川主廟倉積穀一百石零六斗五升九合五勺九厥在慶和場

和安砦倉積穀一百四十三石零六升三合

蓮花寺倉積穀六十七石九斗四升五合六勺

接引庵倉積穀七十九石一斗一升二合

復興寺倉積穀五十一石七斗三升

長安寺倉積穀三十石零一斗七升

黃土觀倉積穀十八石九斗七升

來龍砦倉積穀八十八石四斗一升五合

合川縣志卷十六倉儲

三星寨倉積穀四十石零四斗九升

羅家廟倉積穀十九石二斗九升四合

三覺寺倉積穀四十四石二斗一升八合

二郎廟倉積穀一百零四石四斗四升六合

石頂山倉積穀七十八石二斗三升

垣城山倉積穀三十五石八斗一升五合

丁家壩倉積穀三十五石八斗一升五合

三聖寺倉積穀五十二石六斗五升四合

九井寺倉積穀六十六石六斗以上十六厥在渭溪場

甘泉寺倉積穀一百零三石四斗一升六合學士山

護國寺倉積穀六十一石一斗四升七合五勺

護國寺倉積穀六十一石一斗四升七合五勺釣魚山

土主廟倉積穀三十四石四斗九升一合灘子坎

古聖寺倉積穀二十八石九斗五升麻柳坪

龍潭倉積穀三十石在古聖寺係龍潭漕倉

吉安倉積穀四十七石草街子

石佛寺倉積穀三十四石八斗

惠民宮倉積穀四十石

八角亭倉積穀二十五石九斗七升五合三廩在保和場

平安倉積穀三十二石

宗聖寺倉積穀五十四石一斗一升

白鶴庵倉積穀五十石零八斗九升六合一勺三廩在獅灘場

太平倉積穀二十七石龍灘漕

惠民宮倉積穀二百九十二石九斗八升五合

財神巖倉積穀二十九石七斗

雲峰寺倉積穀一百一十八石三斗一升三合三廩在雙鳳場

惠民宮倉積穀九十五石四斗

寶回山倉積穀九十一石五斗八升四合二勺

黃泥庵倉積穀二百石零七斗八升三合

玉皇觀倉積穀九十七石四斗三升三合五勺四廩在雲門鎮

合川縣志卷十六倉儲

關帝廟倉積穀二百八十三石三斗六升七合天星橋

鎮江寺倉積穀二百零七石零六升八合

龍門寺倉積穀九十二石零五斗二升二廩在泥溪場

觀音寺倉積穀三百六十石零二斗五升二合六勺金子沱

子仙山倉積穀二十七石三斗七升一合五勺

廣賢寺倉積穀一百六十五石二斗八升

天保砦倉積穀七十七石六斗一升三廩在錢塘鎮

棗峰寺倉積穀一百八十六石五斗八升一合

長安寺倉積穀四十八石八斗五升

大點山倉積穀三十七石一斗三升

玉皇觀倉積穀四十八石八斗八升五合四廩在龍場

白沙寺倉積穀二百一十九石白沙壩

桂林庵倉積穀一百四十四石八斗七升五合

扶山寺倉積穀一百零五石四斗九升蒲溪場現屬東里

禹王宮倉積穀四十三石

惠民團倉積穀二十四石

仁和倉積穀三十六石七斗五升四合八勺

義和倉積穀四十八石二斗四升二合

義和倉積穀四十八石二斗四升二合四廩在官渡場

三聖宮倉積穀一百四十一石九斗五升六合

大鰲寺倉積穀九十三石四斗五升六合福壽場

圓覺寺倉積穀二十四石

壘高砦倉積穀三十六石

龍翠山倉積穀五十五石四斗零五合

天生砦倉積穀二十五石四廩在大沔溪

寶華山倉積穀一百七十七石七斗三升九合白沙場

二佛寺倉積穀一百零二石零一升二合

二佛寺倉積穀一百八十六石二廩在涑灘場

慶福寺倉積穀一百五十石零九斗八升二合

保全砦倉積穀一百七十一石四斗一升二廩在太平場

合川縣志卷十六倉儲

雙合寺倉積穀一百八十四石五斗七升十二洞橋

青巖寺倉積穀七十五石七斗二升八合五勺

隆興寺倉積穀七十五石七斗二升八合五勺

鎮興寺倉積穀五十七石三斗六升一合

石板場倉積穀五十二石零四升二合

海慧寺倉積穀九十七石六斗五升一合五勺

復勝象鼻寺倉積穀九十五石五斗八升三合二勺

雲集寺倉積穀五十四石七斗七升二合

雙溪寺倉積穀八十五石二斗三升一合

通明殿倉積穀六十四石零三升四合

松柏砦倉積穀二十四石二斗四升零五勺

松柏砦倉積穀二十四石二斗四升零五勺

松柏砦倉積穀二十四石二斗四升零五勺

松柏砦倉積穀二十四石二斗四升零九勺十三廩在龍市鎮

楚廟倉積穀一百一十一石二斗七升九勺孫家場

東岳廟倉積穀八十三石三斗零二合

紅廟子倉積穀四十一石七斗三升八合

古佛寺倉積穀八十九石四斗七升八合

三清觀倉積穀四十九石五斗五升一合

石虎寺倉積穀二十九石三斗二升八合

大巖頭倉積穀二十九石三斗

川石寺倉積穀二十石

金劍廟倉積穀三十四石八斗八廩在碼頭溪

人和砦倉積穀二十八石

盤龍寺倉積穀五十二石九斗七升六合

迴龍寺倉積穀八十石零四斗

當陽寺倉積穀十八石五斗

讀書臺倉積穀二十一石四斗三升八合

蘭臺寺倉積穀三十七石五斗

玉鎮觀倉積穀二十二石一斗零四合

合川縣志卷十六 倉儲

勝名寺倉積穀十八石九斗

勝名寺倉積穀八十石零八斗七升

勝名寺倉積穀三十二石四斗

荆溪寺倉積穀二十石十一廩在蕭家場

開元寺倉積穀一百三十八石零四升

開元寺倉積穀八十五石八斗九升

三聖倉積穀八十六石七斗七升三廩在沙魚橋 以上西里

高陽廟倉積穀五十三石三斗三升六合

高陽廟倉積穀五十一石九斗

白鹿山倉積穀九十一石九斗

高歇鋪倉積穀四十二石

官鹿山倉積穀九十四石零二升四合

苟華山倉積穀九十六石一斗一升六合六廩在南津街

惠民宮倉積穀一百零二石一斗二升十塘

鍾林寺倉積穀六十五石五斗四升



觀音寺倉積穀二十七石三斗五升六合南漕

三聖寺倉積穀五十八石鹽井溪

石華廟倉積穀一百四十五石

白塔寺倉積穀一百三十一石

白塔寺倉積穀一百一十七石三厥在沙溪廟

大佛寺倉積穀六十二石三斗四升六合

小佛寺倉積穀七十九石一斗零一合

板橋寺倉積穀一百六十石零九斗五升六合三厥在皂角埡

大雲寺倉積穀三百八十二石四斗五升銅溪鎮

復興寺倉積穀六十二石六斗五升張家橋

夜雨寺倉積穀一百五十三石四斗六升三合臨渡場

猴溪廟倉積穀四十一石三斗八升

龍游寺倉積穀八十六石六斗三升五合

龍游寺倉積穀七十石

玉皇觀倉積穀六十石

合川縣志卷十六倉儲

八角廟倉積穀三十石零五斗九升五合五厥在白沙舖

以上永里

五顯廟倉積穀二百石零五斗二升五尊塘

顯應宮倉積穀四百二十六石五斗五升大石橋

迴龍寺倉積穀二百石零二斗三升

法華寺倉積穀一百石零九合利澤場

淨果寺倉積穀二百二十二石三斗九升五合古樓場

觀音寺倉積穀一百二十八石零六斗一升六合

觀音寺倉積穀一百三十九石七斗三升九合七間橋

文武廟倉積穀九十七石二斗五升七合

玩台寺倉積穀八十九石零四升

流爺廟倉積穀七十八石九斗七升三合

黃連嘴倉積穀八十九石

韓福廟倉積穀四十九石三斗六升四合五厥在廟場

方溪寺倉積穀一百七十七石一斗二升九合方溪口

石城寺倉積穀二百石

邱福寺倉積穀一百七十一石六斗七升二合渭沱場

龍項寺倉積穀一百二十一石五斗三升五合草把場

高柏寺倉積穀五十六石八斗一升五合

高柏寺倉積穀五十六石八斗一升五合

玉福砦倉積穀一百四十一石五斗四升二合

永清砦倉積穀二百一十三石七斗八升八合

淨居寺倉積穀二十六石零九升九合

淨居寺倉積穀七十八石零二升五合五勺

玉皇坪倉積穀六十八石一斗三升零五勺

仰頭寺倉積穀九十石零二斗一升八合八勺

仰頭寺倉積穀九十八石一斗四升三合

林居寺倉積穀九十二石八斗九升三合

林居寺倉積穀一百三十三石三斗四升五合太和場一厥在

墨峰寺倉積穀八十九石六斗九升四合

雙龍寺倉積穀五十石

合川縣志卷十六倉儲

雙龍寺倉積穀二十三石八斗三厥在澄沱

三聖宮倉積穀六十八石九斗一升五合義和場

四堡砦倉積穀一百零一石一斗四升

潮音寺倉積穀一百零一石一斗一升四合

隆慶寺倉積穀九十三石二斗五升

隆慶寺倉積穀九十三石二斗五升四厥在永興場

大覺寺倉積穀二百一十六石五斗零四合

阜陵寺倉積穀二百一十九石一斗一升六合尖山場

西巖寺倉積穀二百八十七石七斗一升八合六勺沙坪

土地祠倉積穀一百零四石六斗香爐山

龐家砦倉積穀八十三石七斗二升六合

湧泉山倉積穀八十三石六斗八升九合興澤場

黃公祠倉積穀七十七石八斗六升

黃公祠倉積穀七十七石八斗六升

黃公祠倉積穀七十七石八斗六升三厥在萬古場

太平堡倉積穀七十石

人和堡倉積穀四十三石

中和堡倉積穀二十五石六斗六升三合

靖安堡倉積穀三十一石

洪興堡倉積穀八石

保安堡倉積穀四十八石六斗一升二合

復興堡倉積穀六十六石一斗

六合堡倉積穀三十石

石洞山倉積穀十五石

余家廟倉積穀十二石九斗六升四合

余家廟倉積穀十四石二斗八升

余家廟倉積穀十四石二斗八升十二廩在二郎廟

鳳凰廟倉積穀三十四石七斗九升六合

禹王廟倉積穀一百一十石

禹王宮倉積穀一百一十石

合川縣志卷十六倉儲

禹王宮倉積穀一百零八石四斗五升八合四廩在龍鳳場

總神宮倉積穀五十石

總神宮倉積穀五十石

禹王宮倉積穀九十八石

平安砦倉積穀三十五石三斗三升五合四廩在萬壽場

仁義砦倉積穀七十三石

仁義砦倉積穀七十三石

天佑砦倉積穀八十七石五斗

天佑砦倉積穀八十七石五斗

人和砦倉積穀九十五石五廩在女兒碑 以上來里

東岳廟倉積穀一百四十三石三斗一升

水府寺倉積穀七十六石九斗九升三合

觀音寺倉積穀五十二石七斗五升

鰲魚觀倉積穀三十石零五斗

清泉寺倉積穀七十九石二斗八升九合

靜名寺倉積穀六十六石零二升四合六厥在思居鋪以上興里

上計二百三十一倉通民間管理初竝無收發後仿社穀之灋春發秋收虧空侵蝕罪有賠償光緒二十九年知州陳夔麒因學務需款提積穀息穀十成之四作中學堂學費每年春季懸牌定價積穀首事赴勸學所完繳 右民倉

有志者曰清之入關而有天下常存者不盡存清之退位而亡天下遞變者不盡變其惟與民謹蓋藏爲二百餘年之善政乎流賊煽亂民靡子遺況於倉箱踵漢隋常平之灋與民更始故常平先之墾耕列籍悉准應試太學捐例特開衣食足禮義興也監倉次之旱乾水溢是曰天災富者所以濟貧濟倉以立濟之之灋貴能普及厯有積蓄慮弗廣也故廣濟倉又以立耜田仿天子三推之義存其倉以修其典凡所以責成州縣而紳董之明其在城至仿前代社灋布於五里春發秋收則有社倉光緒朝遵辦積穀所以防饑則有積穀倉穀一一備書各里倉厥明在各鄉嗟嗟清命告終凡事遞變此獨不變亦幸矣哉